

欽定歷代職官表



7 保
4544
11



卷三十三
11

欽定歷代職官表卷三十三

鴻臚寺表

鴻臚寺	周 大行人 中大夫	三	代	秦
鴻臚寺	大鴻臚 大鴻臚 大鴻臚	漢	後	漢
鴻臚寺	大鴻臚 大鴻臚 大鴻臚	三	國	晉
鴻臚寺	大鴻臚 大鴻臚 大鴻臚	宋 齊	梁 陳	魏
鴻臚寺	大鴻臚 大鴻臚 大鴻臚	魏	齊	後
鴻臚寺	大鴻臚 大鴻臚 大鴻臚	隋	唐	宋
鴻臚寺	大鴻臚 大鴻臚 大鴻臚	宋	遼	金
鴻臚寺	大鴻臚 大鴻臚 大鴻臚	元	明	

職官表卷三十三 鴻臚寺表

廣雅書局

鴻臚寺

國朝官制

鴻臚寺卿滿洲漢人各一人初制滿洲三品順治十六年定與漢人俱為正四品少卿滿

洲漢人各一人從五品

掌朝會賓客祭祀燕饗之儀詔之著位而贊其升降拜跪之節有失朝及不如儀者糾之初順治元年置鴻臚寺設滿洲漢人卿各一人滿洲少卿一人漢人左右少卿各一人左右寺丞各一人十五年省漢人少卿一人寺丞一人康熙五十二年罷寺丞官不設乾隆十四年定以禮部滿洲尚書兼管鴻臚寺事永為常式焉

鳴贊滿洲十有四人漢人二人從九品

掌儀導及行禮唱贊之事滿洲鳴贊順治初置十六人乾隆三十七年以二人改屬鑾儀衛司贊鳴鞭其畱寺者實十有四人漢人鳴贊初置八人自順治二年至十三年先後省四人乾隆七年又省二人

序班漢人四人從九品

掌序百官之班位初置二十二人順治十五年省十八康熙三十八年省六人乾隆七年省二人又有學習序班以直隸山東山西河南儒學生內考取初置十有二人乾隆十七年改定專用直隸諸生以八人為額序班缺以學習者選授鳴贊缺以序班遞升咨送吏部題補

主簿廳主簿滿洲漢人各一人從八品

掌行遣文移繕寫章牘順治元年置額初又設有各館主簿後俱省

筆帖式滿洲四人

筆帖式滿洲初置十人後省六人又有漢軍二人後俱省

職事具吏部篇

歷代建置

三代

周禮秋官大行人中大夫二人小行人下大夫四人司儀上士八人中士十有六人大行人掌大賓之禮及大客之儀小行人掌邦國賓客之禮籍司儀掌九儀之賓客擯相之禮以詔儀容辭令揖讓之節

職官表卷三十三
謹案鴻臚一官自唐六典通典初學記諸書皆以爲出於周禮之大行人然古今立制各殊詳考其實漢魏以後之鴻臚與周大行人之職已有不同而今之鴻臚則與漢魏以後之鴻臚尤迥不相合何也大行人掌侯國朝覲聘問及王朝撫諸侯之禮籍於中庸九經之內實兼柔遠人懷諸侯二者而有之秦漢以降罷侯置守無復邦交之事卽分建諸侯王亦不過封拜時令大鴻臚擯贊而已會同聘覲久廢不行鴻臚所主者惟蠻夷朝貢獻見之禮猶大行人職守之一端其他固已不能一一脗合然當時鴻臚旣領蕃國則一切致餼授館封冊弔慰尙其專司而殿庭禮儀則別有謁者及通事宣贊

舍人等官以襄其贊導並不屬於鴻臚由唐迄宋相承未改自金元二代不置鴻臚明初復設是官始取侍儀傳贊之事悉以歸之而外藩館餼則改隸諸禮部其職乃與古大異矣今因歷代相沿皆以大行人爲原起故仍繫之於表而復互載於理藩院及會同四譯館篇以著其實云

說詳各本篇

秦

冊府元龜秦置典客

章懷太子李賢後漢書注謁者秦官也員七十人

謹案秦典客掌歸義蠻夷其職已分著於理藩院及會同四譯館二表今以其爲鴻臚沿革所自故仍互見於

此至謁者之官亦始於秦史記范雎列傳載謁者王稽使魏還見穰侯穰侯稱之爲謁君者是也其官主賓贊禮儀正如今鴻臚之職故並繫於此表焉

漢

冊府元龜漢景帝中六年更名典客爲大行令武帝太初元年大行更名大鴻臚鴻臚之名自此始也屬官行人令又更名爲大行令

漢書景帝本紀顏師古注大鴻臚本名典客後改曰大鴻臚大行令者本名行人卽典客之屬官也後改曰大行令據此紀文則景帝已改典客爲大鴻臚行人爲大行令矣而百官公卿表乃云景帝中六年更名典客爲大行令武

六三百八十五小十三

帝太初元年更名大行令爲大鴻臚更名行人爲大行令當是表誤

漢書刊誤劉敞曰史記文景事最略漢書則頗有所錄蓋班氏博採他書成之故於景帝世謂典客爲大鴻臚行人爲大行由他書卽武帝時官紀景帝世事班氏失於改革耳然則改諸官名在武帝世無疑非表誤也劉敞曰案景十三王傳河間獻王薨猶云大行令奏諡則非表誤也但官名改易未定史於此追舉最後官名也武帝初大行王恢李息卽大行令也

漢書百官公卿表應劭注大鴻臚者郊廟行禮讚九賓鴻臚傳之也

後漢書百官志大鴻臚卿一人中二千石郊廟行禮贊導
請行事既可以命羣司諸王入朝當郊迎典其禮儀皇子
拜王贊授印綬丞一人比千石大行令一人六百石丞一
人治禮郎四十七人

劉昭後漢書志注漢官曰治禮郎其四人四科五人二百
石文學五人百石九人斗食六人佐六人學事十二人守
學事東觀書曰主齋祠儼贊九賓盧植禮注曰大行郎亦
如謁者兼舉形貌

漢書平當列傳少爲大行治禮丞功次補大鴻臚文學蕭
望之列傳察廉爲大行治禮丞王莽列傳校尉東海公賓
就故大行治禮

謹案漢之大鴻臚所領爲諸侯王列侯及歸義蠻夷之
事與今鴻臚不同然觀後漢志及應劭注所言則郊廟
行禮及延見九賓鴻臚皆有贊導之職漢書蕭由傳徵
爲大鴻臚會病不及賓贊還歸故官顏師古注謂贊導
九賓之事是也蓋鴻臚既主藩國凡初封及入朝禮應
贊拜而郊廟侍祠亦有諸侯王在列故併以其事屬之
今鴻臚之司贊唱其由來固亦有所自耳至治禮郎專
主儼贊則當如今鳴贊之職矣

漢書百官公卿表謁者掌賓讚受事員七十人秩比六百
石有僕射秩比千石

後漢書百官志謁者僕射一人比千石爲謁者臺率主常

侍謁者五人比六百石主殿上時節威儀謁者三十人其
給事謁者四百石其灌謁者郎中比三百石掌賓贊受事
及上章報問員七十人中興但三十人初爲灌謁者滿歲
爲給事謁者

章懷太子李賢後漢書注十三州志曰謁者皆選孝廉年
未五十曉解賓贊者

劉昭後漢書志注荀綽晉百官表注曰漢謁者用李廉威
容嚴恪能擯者爲之明帝詔曰謁者乃堯之尊官所以試
舜賓於四門四門穆穆者也

後漢書梁懂列傳何熙永元中爲謁者身長八尺五寸善
爲威容贊拜殿中音動左右

杜佑通典謁者缺選郎中美鬚眉大音者以補之功次當
遷欲畱增秩者許之

謹案漢謁者主受事及上章報問當如今之奏事處官
員而擯導威儀亦其所掌故有缺選補皆以大音者充
之與今鴻臚之職尤爲相合謹並著之於表又考史記
有大謁者張釋卿漢書有大謁者劉襄而百官表不見
此名疑卽謁者僕射之別稱蓋其職如今之鴻臚卿而
給事謁者則如今之鳴贊灌謁者則如今之序班也

三國

三國蜀志楊戲傳何彥英名宗先主卽尊號遷爲大鴻臚
鄭樵通志鴻臚卿魏及晉初皆有之

三國吳志三嗣主傳寶鼎元年正月遣大鴻臚張儼弔祭
晉文帝

馬端臨文獻通考魏置謁者僕射掌大拜授及百官班次
統謁者十人

晉

冊府元龜晉大鴻臚為列卿置丞功曹主簿五官等員江
左有事則權置事畢則省

晉書職官志武帝省謁者僕射以謁者并蘭臺江左復置
僕射後又省

宋齊梁陳

通典大鴻臚宋齊有事則權置兼官畢則省

隋書百官志梁天監七年以大鴻臚為鴻臚卿置丞及功
曹主簿鴻臚卿位視尚書左丞掌導護贊拜陳承梁皆循
其制官

文獻通考職官錄曰鴻臚卿舊視散騎常侍天監中視中
丞吏部

唐六典齊職儀云東宮殿中將軍屬官有導客局置典儀
錄事一人掌朝會之事史闕其品秩梁有典儀之職未詳
何曹之官掌唱警唱奏之事朱服武冠陳亦有之

謹案漢魏大鴻臚至梁始除大字改曰鴻臚卿專掌導
護贊拜今鴻臚之制其權輿實本於此又考通鑑載侯
景破臺城入見梁武帝於太極東堂稽顙殿下典儀引

就三公榻據此是齊梁典儀之官並主引百僚以就位
次蓋如今之鴻臚寺序班也

宋書百官志謁者僕射一人掌大拜授及百官班次領謁
者十人謁者掌小拜授及報章晉省僕射宋世祖大明中
復置秩比千石

南齊書百官志謁者臺掌朝覲賓饗謁者僕射一人謁者
十人

隋書百官志梁謁者臺僕射一人掌朝覲賓饗之事屬官
謁者一人掌朝會擯贊高功者一人為假史掌差次謁者
通典謁者臺陳亦有之

謹案南朝謁者臺在宋世兼主報章猶沿漢制至蕭齊
以後專主朝覲賓饗之儀節則已全有今鴻臚寺之職
掌矣

北魏

冊府元龜後魏鴻臚卿第二品上後降為第三品少卿一
人第三品上後為正四品上丞從五品中後降為第七品
通典後魏曰大鴻臚

魏書官氏志太和十五年七月置司儀官高祖詔羣臣議
定百官謁者僕射從第四品上典儀監從第五品上謁者
從第五品中治禮郎從第六品下太和二十三年復次職
令謁者僕射第六品謁者第九品

文獻通考後魏謁者臺掌導相禮儀僕射二人謁者二十

人

北齊

隋書百官志後齊鴻臚寺置卿少卿丞各一人有功曹五官主簿錄事等員掌蕃客朝會吉凶弔祭統司儀署令丞司儀署又有奉禮郎三十人謁者臺掌凡諸吉凶公事導相禮儀事僕射二人謁者三十人錄事一人

謹案西漢封拜諸侯王以大鴻臚行事至後漢而禮儀志所載則皆謁者引贊後漢書禮儀志拜諸侯王公儀謁者引當拜前伏殿下光祿勳讀策書畢謁者稱臣某再拜侍御史授印綬贊謁者曰某王某公臣某初謝是其職已移之謁者臺惟喪儀內有鴻臚傳哭之文蓋所司多在凶事故北齊鴻臚之職但稱掌吉凶弔祭而導相禮儀則專

屬之謁者至唐而司儀令丞專掌凶禮儀式職制相沿其變遷固有漸也

後周

通典後周官品正三命秋官司儀上士正二命秋官司儀中士

謹案杜佑馬端臨等皆以後周蕃部賓部中大夫列入鴻臚沿革然其職皆主蕃屬朝貢之禮與今鴻臚不同已分繫諸理藩院及會同四譯館表內惟司儀一官掌殿庭禮儀實今鴻臚之職故著之於此篇

隋

隋書百官志高祖置鴻臚寺卿少卿各一人丞二人主簿

二人錄事二人統司儀署令二人掌儀二十八開皇三年廢鴻臚入太常十三年復置煬帝加置少卿二人

〔文獻通考〕隋謁者臺大夫一人掌受詔勞問出使慰撫持節策授及受冤枉而申奏之駕出對御史引駕初魏置中書通事舍人官其後歷代皆有然非今任隋初罷謁者仍置通事舍人十六員承旨宣傳開皇三年又增爲二十四員及煬帝置謁者臺乃改通事舍人爲謁者臺職謂之通事謁者置二十八

〔新唐書百官志〕隋謁者臺有典儀

〔唐六典〕隋鴻臚寺有贊者十二人

謹案晉魏以後中書省置通事舍人本掌詔誥蓋如今

內閣學士之職至隋而以代謁者之任則又主傳宣贊引當如今鴻臚寺之職矣至謁者大夫爲謁者臺長官駕出則掌引駕今定制凡常朝

御殿以鴻臚卿二人請

駕導

駕蓋卽其例則謁者大夫實兼有今鴻臚卿職事矣又典儀隋書失載而唐志有之亦屬於謁者臺當如今之序班而鴻臚寺有贊者則如今之鳴贊也

唐

〔唐六典〕鴻臚寺卿一人少卿二人丞一人主簿一人錄事一人龍朔二年改爲同文正卿咸亨元年復曰鴻臚光宅

元年改爲司賓寺卿神龍元年復舊掌賓客及凶儀之事
領司儀署令一人丞一人掌凶禮之儀式及供喪葬之具
舊唐書職官志門下省典儀二員贊者十二人掌殿上贊
唱之節及殿廷版位之次凡國有大禮侍中行事及進中
嚴外辨之版皆贊相焉

唐六典唐朝置典儀二人隸門下省初用人皆輕至貞觀
初李義府爲之是後常用士人領贊者以知贊唱之節贊
者掌贊唱爲行事之節分番上下亦謂之番官

謹案唐鴻臚所掌自蕃客以外惟主凶儀而殿廷贊唱
之事則別以典儀及贊者司之是今鴻臚之職在唐世
又屬門下省矣至典儀掌版位次序如今序班而當時

又兼贊唱以士人爲之故其職在贊者之上亦視今制
頗有不同云

新唐書百官志通事舍人十六人從六品上掌朝見引納
殿廷通奏凡近臣入侍文武就列則導其進退而贊其拜
起出入之節

武德四年廢謁者臺改
通事謁者爲通事舍人

謹案唐通事舍人卽隋通事謁者而改隸於中書省職
在贊導羣臣拜起出入儀節正如今之鴻臚寺與典儀
所司大略相似而互屬兩省史志並不詳其分職之由
以開元禮考之如蕃國來朝儀則典儀位於宮縣之東
北贊者二人在南差退舍人引蕃主入門典儀贊拜禮
畢舍人與蕃主俱退又元旦冬至朝賀儀百官入舍人

引就朝堂前位皇帝升座百官以次入就北面位典儀曰再拜贊者承傳在位皆再拜稱賀禮畢典儀曰再拜通事舍人以次引北面位者出又元旦冬至大會儀典儀一人升就東階上通事舍人引王公以下入就位侍中稱制延王公等升殿典儀承傳階下贊者又承傳在位者皆再拜應升殿者詣東西階升羣臣上壽典儀曰再拜階下贊者承傳在位者皆再拜其進酒進食並同據此是典儀位在殿上當如今大朝日立於太和殿東西檐第二柱下之鳴贊官其贊者位在階下當如今承傳行禮之鳴贊官而通事舍人引王公等出入當如今引王公百官入

午門左右門及左右掖門之鴻臚寺官也當時殆以通事舍人有傳宣詔命之事故屬之中書省而今則以其職俱併入鴻臚耳

五季

冊府元龜後唐莊宗詔諸寺監各只置大卿官屬並權停五代史王景崇傳明宗卽位拜通事舍人歷引進閣門使謹案五季官制最爲闕略當時寺監皆依唐制則鴻臚亦必備官特其文不見於史耳至通事舍人在唐本以文臣補授後唐明宗以王景崇爲之則改用武人逮宋而閣門諸官皆爲右職矣

宋

〔文獻通考〕宋鴻臚寺判寺事一人以朝官以上充元豐官制行置卿少卿丞主簿各一人卿掌四夷朝貢宴勞給賜送迎之事及國之凶儀中都祠廟道釋帳籍除附之禁令少卿爲之貳丞參領之建炎後廢鴻臚併入禮部

謹案唐宋鴻臚皆主蕃國及凶儀與今鴻臚職掌全不相合以官制沿革所自未可盡略故仍繫之於此表焉章俊卿山堂考索宋朝東上閣門使西上閣門使凡取稟旨命供奉乘輿朝會游宴及贊導三公羣臣蕃國朝見辭謝糾彈失儀之事使副專之舍人以下但通班贊唱而已政和官制橫班使副之名既改爲大夫而其職任則命內外官知焉其後所除總名知閣門事仍兼容省四方館之

職同知閣門事乃昔時之所謂副使也故事閣門無通事舍人而通事舍人沿夫唐制自隸中書省如抽赴閣門並稱閣門祇候其後直授閣門通事舍人非舊制也天禧中去閣門二字政和六年改爲宣贊舍人舊以閣門通事舍人閣門祇候二等比館班清流爲進取之基非熟於朝儀不在此選又熙寧四年閣門請擇武臣子弟六人前後殿祇應以閣門看班祇候爲名候五年熟識儀數乃除閣門祇候

〔宋史職官志〕東上閣門西上閣門使各三人副使各二人宣贊舍人十人祇候十有二人掌朝會宴幸供奉贊相禮儀之事使副承旨稟命舍人傳宣贊謁祇候分佐舍人凡

文武官自宰臣宗室自親王外國自契丹使以下朝見辭謝皆掌之視其品秩以爲引班敘班之次贊其拜舞之節而糾其違失若慶禮奉表則東上閤門掌之慰禮進名則西上閤門掌之月進班簿歲終一易分東西班揭帖以進政和六年詔宣贊播告直誦其辭

李心傳建炎以來朝野雜記閤門右列清選也舊有知閤門事同知閤門事多以外戚勳貴爲之其下有閤門宣贊舍人掌唱贊書命閤門祇候掌侍衛班列乾道間孝宗始仿儒臣館閣之制增置閤門舍人以待武舉之入官者先召試而後命供職滿二年與邊郡遂爲戎帥部刺史之選云

李燾續資治通鑑長編天禧四年三月右司諫直集賢院祖士衡言常朝起居日長春宗德殿假日後殿中書樞密文武合班而閤門祇候一員在前隨班再拜側立贊謁以臣愚見未協軌儀欲請自今令通班閤門祇候在前殿則與內殿供奉官以下同起居後殿則與軍頭司官同起居然後立殿庭贊謁從之

謹案宋閤門本武職進身之階稱爲右列清選然當時鴻臚既不司贊引凡殿廷禮儀皆閤門主之通鑑長編載天禧三年十一月閤門與太常禮院上大祀稱慶合班圖卽如今之行禮儀注景祐四年九月詔閤門於紫宸殿垂拱殿刊石爲百官表位卽如今

太和殿前之品級山是閣門所掌實卽今鴻臚職事雖文武制異而官守固無殊也至祖士衡所云令閣門祇候先起居而後贊謁者蓋以閣門祇候旣當側立贊謁自不可更隨班拜跪故令其先在內起居畢後再立殿庭今三大節大朝之禮鴻臚寺職事各官先赴

中和殿前行禮畢趨出各就班位候

駕陞殿傳贊行禮正其例耳

遼

遼史百官志南面官諸寺職名有鴻臚寺○通事舍人院通事舍人統和七年見通事舍人李琬○東上閣門司太宗會同元年置東上閣門使韓延徽傳見東上閣門使鄭

延豐東上閣門副使○西上閣門司西上閣門使統和二
十一年見西上閣門使丁振西上閣門副使

謹案遼鴻臚官制舊史已闕職掌亦未之詳以遼史禮志考之當時殿廷行禮凡引羣臣合班北向起居引宋使人門及通名祇候贊謝宣諭皆通事舍人之職祭祀讀祝贊帝后詣拜位受宋使國書奏牘子引高麗使至殿下引新進士至丹墀皆閣門使之職而贊拜一節則舍人與閣門使通掌之是今鴻臚職事在遼時亦專屬此二官也惟是拜起之節祇應以一人傳唱而遼史載宋使見皇太后皇帝諸儀有契丹舍人漢人閣使齊贊拜之文未喻其故殆以宋之使臣不諳國語故別令漢

人贊唱與他禮不同耳

金

〔金史百官志〕閣門

明昌五年閣門官以次排轉除授

東上閣門使二員正

五品

明昌六年省一員作從五品西同

副使二員正六品

明昌六年省一員西同 簽

事一員從六品掌簽判閣門事

西同明昌六年以減副使置

西上閣門

使二員正五品副使二員正六品簽事一員從六品掌贊

導殿庭禮儀

西閣門餘副貳同

閣門祇候二十五人

正大開三十二人 閣

門通事舍人二員從七品掌通班贊唱承奉勞問之事承

奉班都知正七品掌總率本班承奉之事舊置判官後罷

內承奉班押班正七品掌總率本班承奉之事御院通進

四員從七品掌諸進獻禮物及薦享編次位序

右屬宣徽院

謹案金代不置鴻臚寺其以閣門掌殿庭禮儀蓋亦沿

宋遼之制也

元

〔元史百官志〕侍儀司秩正四品掌凡朝會即位冊后建儲

奉上尊號及外國朝覲之禮至元八年始置左右侍儀奉

御二員禮部侍郎知侍儀事一員引進使知侍儀事一員

左右侍儀使二員左右直侍儀使二員左右侍儀副使二

員左右侍儀簽事二員引進副使侍儀令承奉班都知尚

衣局大使各一員十六年省左右侍儀奉御通曰左右侍

儀省引進副使及侍儀令尚衣使等員改置通事舍人十

四員三十年減通事舍人七員為侍儀舍人大德十一年

陞秩正三品至大二年置典簿一員延祐七年定置侍儀使四員至治元年增置通事舍人六員侍儀舍人四員其後定置侍儀使四員正三品引進使知侍儀事二員正四品首領官典簿一員從七品屬官承奉班都知一員正七品通事舍人一十六員從七品侍儀舍人十四員從九品吏屬令史二人譯史二人通事一人知印一人右屬中書禮部謹案元承金制亦不設鴻臚寺官而以侍儀司掌贊導行禮之事準諸今制蓋侍儀使如鴻臚卿引進使知侍儀事如鴻臚少卿通事舍人如鳴贊侍儀舍人如序班也

明

明史職官志鴻臚寺卿一人正四品左右少卿各一人從五品

左右寺丞各一人從六品其屬主簿廳主簿一人從八品司儀

司賓二署各署丞一人正九品鳴贊四人從九品後增設五人序班五

十人從九品嘉靖三十六年革八人萬曆十一年復設六人鴻臚掌朝會賓客吉凶

儀禮之事凡國家大典禮郊廟祭祀朝會宴饗經筵冊封進麻進春傳制奏捷各供其事外吏朝覲諸蕃入貢與夫百官使臣之復命謝恩若見若辭者並鴻臚引奏歲正旦上元重午重九長至賜段賜宴四月賜字扇壽縷十一月賜戴煖耳陪侍畢頒胙賜皆贊百官行禮司儀典陳設引奏外吏來朝必先演儀於寺司賓典外國朝貢之使辨其等而教其拜跪儀節鳴贊典贊儀禮凡內贊通贊對贊接

贊傳贊咸職之序班典侍班齊班糾儀及傳贊初吳元年

置侍儀司秩從五品洪武四年定侍儀使從七品引進使正八品

奉班都知正九品通贊通事舍人從九品俱為七品以下官

九年改為殿庭儀禮司設使一人正七品副三人正八品承奉

一人從八品鳴贊二人正九品序班十六人從九品九關通事使

一人正八品副六人從八品十三年改使為司正分左右司副

各一人增序班至四十四人革承奉增設司儀四人二十

二年增設左右司丞四人正九品三十年始改為鴻臚寺陞

秩正四品設官六十二員卿以下員數品級如前所列又設外夷通事

隸焉建文中陞少卿以下品秩少卿陞正五品寺丞陞正六品又改其首領官職名

與鳴贊序班皆陞品級初悉復舊制

孫承澤春明夢餘錄宣德元年四月建鴻臚寺公署於京

師

謹案鴻臚本出周官大行人主領蕃國封貢自明代始

專掌殿庭禮儀之事遂與歷代建置不同名雖相襲實

則漢以後謁者臺唐以後通事舍人閣門使之任也其

職在導引僉贊故漢世謁者皆於三署郎內選大音者

為之而贊拜殿中音動左右史家至以為美談逮宋世

閣門多用勳戚子弟不立員額於是遂為恩倖進身之

途宦寺交通營求干謁富商豪子往往得之宣和中宣

贊舍人至一百八員閣門祇候至七十六員每以過濫

特簡無定員

監丞滿洲漢人各一人初制正八品後升為正七品

掌學規以督教課察勤惰均廩餼核支銷有不如規者糾

治之員額順治元年定

博士滿洲漢人各一人初制從八品後升為從七品

掌闡明經說以助教迪與六堂助教學正學錄並司南學

經理事宜初置滿洲博士一人漢人博士三人順治十五

年省漢人一人康熙五十二年又省一人

典簿廳典簿滿洲漢人各一人從八品

掌簿書以稽文移之出入員額順治元年定

典籍廳典籍漢人一人從九品

掌藏弄經史以備諸生誦習凡書籍之刻板於監者則主

其摹印之事以廣流傳員額順治元年定

率性堂漢人助教一人學正一人修道堂漢人助教一人學正

一人誠心堂漢人助教一人學正一人正義堂漢人助教一人

學正一人崇志堂漢人助教一人學錄一人廣業堂漢人助教

一人學錄一人八旗官學助教滿洲十有六人蒙古八人助教初制

從八品後升從七品學正初制正九品學錄初制從九品後均升為正八品

六堂助教掌教八旗直省俊選之士學正學錄為之貳凡

諸生之學於黌舍者百五十六人在外講肄而以時赴學

考核者百二十人其持州縣牒赴監考到分堂學習者無

員數每旬以制藝策論試所習業三年期滿視其等第移

吏部注籍而錄用之八旗官學助教掌分教八旗子弟旗各有學選滿洲六十人蒙古漢軍各二十人以充學生清文國語助教詔之蒙古語言文字及騎射蒙古助教教習詔之經書文藝漢人教習詔之三年學成升其尤者於太學漢人助教初設十有二人順治十五年省六人學正初設十有二人康熙三十八年省六人五十二年又省二人學錄初設六人順治十五年省四人滿洲助教順治元年始設二人於太學尋立八旗官學令六堂分教十五年八旗各建學舍乃省太學員額而別置官學助教十有六人康熙五十七年省四人雍正三年復置蒙古助教六人亦順治元年置十八年省四人雍正二年復置

算法館助教一人

不分滿洲漢人補授

掌分教算學諸生初康熙九年始選八旗官學生習算法雍正十二年增置教習十有六人乾隆三年罷八旗官學算法教習別立算學設肄業生滿洲漢人各十有二人蒙古漢軍各六人附學生二十四人以漢人教習二人佐訓課助教綜司之凡線面體三部各限一年業成七政共限二年滿五歲乃甄錄之視出身有差以欽天監博士天文生敘用

鄂羅斯館助教滿洲漢人各一人

掌教鄂羅斯所遣入學子弟於官學及六堂助教內掄選二員兼司之不爲額闕又琉球等國有遣子弟入學者選

貢生一人教習而以博士一人董率之

筆帖式滿洲四人蒙古二人漢軍二人

滿洲漢軍員額順治元年置蒙古員額順治十八年置

具吏部篇

歷代建置

三代

尚書舜典帝曰夔命汝典樂教胄子孔安國傳胄長也謂元子以下至卿大夫子弟陸德明釋文王云胄子國子也謹案太學之制昉於五帝鄭康成引董仲舒說謂五帝名太學曰成均者是也而教胄子之官則肇於舜之命夔蓋五帝三王之學政皆由樂始故以樂官兼之漢魏

而後博士官隸屬太常其意實本於此今故引冠歷代建置之首以明原起焉

周禮地官師氏中大夫一人上士二人府二人史二人胥十有二人徒百有二十人掌以媿詔王以三德教國子一曰至德以為道本二曰敏德以為行本三曰孝德以知逆惡教三行一曰孝行以親父母二曰友行以尊賢良三曰順行以事師長掌國中失之事以教國子弟凡國之貴游子弟學焉鄭康成注師教人以道者之稱也國子公卿大夫之子弟賈公彥疏以教國子故使中大夫為之國子眾使役處眾故其徒多保氏下大夫一人中士二人府二人史二人胥六人徒六十人掌誥王惡而養國子以道乃教之六藝一曰五禮二曰六樂三曰五射四曰五馭五曰六書六

曰九數乃教之六儀一曰祭祀之容二曰賓客之容三曰

朝廷之容四曰喪紀之容五曰軍旅之容六曰車馬之容

鄭康成注保安也以道安人者也賈公彥疏既與師氏同教國子官與府史別者以其教國子雖同館舍別所故置

官有

周禮春官大司樂中大夫二人掌成均之法以治建國之

學政而合國之子弟焉凡有道有德者使教焉死則以為

樂祖祭于瞽宗以樂德教國子中和祇庸孝友以樂語教

國子興道諷誦言語以樂舞教國子舞雲門大卷大咸大

磬大夏大濩大武樂師下大夫四人掌國學之政以教國

子小舞大胥中士四人掌學士之版以待致諸子小胥下

士八人掌學士之徵令而比之籥師中士四人掌教國子

舞羽敝籥

禮記王制樂正崇四術立四教順先王詩書禮樂以造士

春秋教以禮樂冬夏教以詩書王太子王子羣后之太子

卿大夫元士之適子國之俊選皆造焉凡人學以齒鄭康成注

樂正樂官之長學國子之教

禮記文王世子凡學世子及學士必時春夏學于戈秋冬

學羽籥皆於東序小樂正學于大胥贊之籥師學戈籥師

丞贊之胥鼓南春誦夏弦大師詔之瞽宗秋學禮執禮者

詔之冬讀書典書者詔之禮在瞽宗書在上庠凡祭與養

老乞言合語之禮皆小樂正詔之於東序大樂正學舞于

成語說命乞言皆大樂正授數大司成論說在東序鄭康成注

大司成司徒之屬師氏也

謹案古者建國君民教學為先而後儒聚訟紛紜亦莫甚於三代學校之制其異同得失難以槩論而要其大端不過立學之地入學之人教學之官三者而已謹以經傳所載參合諸家折衷而考論之蓋自五帝建學名為成均其後虞曰庠夏曰序殷曰瞽宗周人立辟廱於中而以四代之學環建於外南為成均北為上庠東為東序西為瞽宗是為五學辟廱為天子承師問道及養老更獻戎捷之地雖世子齒學不得就而四學則令國子肄業焉此外又有門閭之學蔡邕明堂論云周官有門閭之學師氏教以三德守王門保氏教以六藝守王闈四郊之學卽禮記所謂虞庠在國之西郊者皇侃謂四郊皆有

之是為小學故以四學對辟廱則辟廱為太學而以小學對四學則四學皆為太學矣此立學之地也大胥掌學士之版文王世子學世子及學士必時鄭司農曰學士謂卿大夫諸子學舞者鄭康成曰學士謂司徒論俊選所升於學者蓋以其教於學故總名之曰學士而其途各異掄選亦有區分如公卿大夫元士之適子以其父兄皆有爵列於國則謂之國子皆當入太學與王子齒其卿大夫之庶子為國子之倅者則謂之諸子皆統於諸子之官而時亦升於太學以教之若鄉遂都鄙所賓興及侯國歲貢者曰選士俊士亦咸造焉此入學之人也至教之之官立法尤為詳備其虎門之學則選國

子中秀異者使師氏教之與王子共學不在太學之數而四學之中於成均學樂德樂舞樂語則以大司樂教之於上庠學書則以典書者教之於東序學干戈羽籥則以樂師籥師教之於瞽宗學禮及誦弦則以執禮者及大師教之而師氏亦兼在東序爲國子論說其義理淺深才能優劣謂之大司成此教學之官也後世以祭酒爲出於師氏之職因以大司成當之不知師氏王舉則從惟在虎門之左必不能常入太學其朝夕授業者固當屬之大小樂正耳

富大用事文類聚成王時彤伯入爲祭酒

杜佑通典孫卿在齊爲三老稱祭酒

太平御覽韋昭辨釋名曰祭酒者謂祭六神以酒醱之也辨云凡會同饗燕必尊長先用酒以祭故曰祭酒漢時吳王年長以爲劉氏祭酒是也胡廣曰凡官名祭酒皆一位之元長古者賓得主人饌則老者一人舉酒以祭地故以祭酒爲稱漢之侍中魏之散騎常侍功高者並爲祭酒用其義也

禮記文王世子樂正司業父師司成賈公彥疏司是職司故訓爲主謂樂正主太子詩書之業父師主太子成就其德行也

謹案祭酒名官始於漢之博士祭酒而如諸書所載則成周已有此稱蓋取舉酒祭地爲義乃同列中以齒德

相推之辭故胡廣以爲一位之元長其曰博士祭酒者謂博士中之最長者耳與三老祭酒侍中祭酒常侍祭酒同義並非官號也後世去博士二字而專以祭酒繫銜非其本意矣至司業之官本隋代取禮記樂正司業之文以爲名而鄭康成原注未及業字之義據賈公彥疏則業當爲學業之業而唐書歸崇敬傳又載崇敬爲國子司業上言司業在禮記樂正司業正長也言樂官之長司主此業爾爾雅云大版謂之業案詩周頌設業設虞崇身樹羽則業是懸鐘磬之簏虞也今太學既不教樂於義無取請改國子監爲辟廱省祭酒爲太師氏司業一爲左師一爲右師詔下尙書集百僚定議以聞議者重難改作其事不行云云是業字又當爲虞業之業顧炎武日知錄云詩傳業大版也所以飾柶爲縣也捷業如鋸齒或白晝之爾左氏昭九年傳辰在子卯謂之疾日君徹宴樂學人舍業禮記檀弓大功廢業並謂此也懸者常防其墜故借爲敬謹之義書之兢兢業業詩之赫赫業業有震且業是也凡人所執之事亦當敬謹故昔爲事業之義易傳之進德修業盛德大業禮記之敬業樂羣是也然三代詩書之文並無此義以上皆炎武說是業字古無學業之訓樂正司業自當作虞業解爲長特其名相沿旣久學者或習其稱而昧所由來謹先揭其義於此焉

秦

冊府元龜秦置博士掌通古今

太平御覽應劭漢官儀曰博士秦官博者通博古今士者辨於然否

謹案班固稱六國時往往有博士則其官不始於秦而

秦時令博士預朝廷大議備左右顧問則所職尤重秦始

皇本紀二十六年議帝號丞相綰等奏謹與博士議上尊號為秦皇又二十八年始皇浮江至湘山祠上問博士曰湘君何神博士對曰雖經始皇焚書坑儒之禍而

二世時叔孫通猶待詔博士山東兵起二世尚召博士

諸儒生而問之見叔孫通傳是其官仍舊不廢觀李斯所奏

稱非博士官所職天下敢有藏詩書百家語者悉詣守

尉雜燒之可知博士官所職者尚存蓋猶令其典司經

籍也且既以博士為官必有生徒轉相傳授秦本紀載

盧生言博士七十人備員弗用而諸生在咸陽者使御

史案問至殺四百六十餘人諸生在驪山為伏機所殺

者又七百餘人其數如此之多蓋七十人乃博士員額

而所謂數百人者皆諸生之隸於博士官如漢世博士

弟子之類耳

漢

漢書百官公卿表博士秩比六百石員多至數十人

漢書武帝本紀建元五年置五經博士元朔五年詔曰太

常其議予博士弟子崇鄉黨之化以厲賢才焉丞相宏請

為博士置弟子員學者益廣

漢書宣帝本紀立梁邱易大小夏侯尚書穀梁春秋博士
冊府元龜漢興武帝初置五經博士掌教弟子國有疑事
掌承問對本四百石升比六百石初文帝欲廣遊學之路
論語孝經孟子爾雅皆置博士至是遂罷傳記博士

太平御覽漢舊儀曰孝文皇帝時博士七十餘人朝服元
端章甫冠武帝置博士取學通有修博識多藝曉古文爾
雅能屬文章者為之朝賀位次中都官吏稱先生不得言
君其弟子稱門人也

通典平帝元始四年改博士為博士師
漢書藝文志注段嘉東海人為博士師

後漢書蘇竟傳平帝世竟以明易為博士講書祭酒章懷太子李賢注王莽置六經祭酒秩上卿每經各一人竟為講尚書祭酒

漢書儒林傳武帝為博士官置弟子五十人昭帝增滿百
人宣帝增倍之成帝末增三千人

謹案西漢博士隸太常馬廷鸞謂有周成均隸宗伯之
意然博士雖云太常之屬而每令丞相御史中二千石
二千石雜舉以任之故特重其職稱為學官史記儒林
傳公孫宏為學官是也又稱為儒官漢書師丹傳尚書
劾博士申咸炔欽幸得以儒官選擢備腹心是也又稱
為禮官王式傳式除為博士衣博士衣而不冠曰刑餘
之人何宜復充禮官是也據史傳所載當時朝廷大事

下公卿議者皆令博士預議霍光傳廢昌邑王奏臣敞等謹與博士臣霸臣雋舍

臣德臣虞舍臣射臣倉議云云此類甚多而出使四方入侍禁近亦多以博

士充其選武帝本紀元狩六年遣博士大等分循行天下元鼎二年遣博士中等分循行諭告成帝

本紀河平三年遣博士嘉等行舉瀕河之郡陽朔二年關東大水遣博士分行視辟宣傳博士申威給事中平

當傳以明經為博士使行流民幽州孔光傳光為博士數使錄冤獄行風俗辟廣德傳蕭望之薦廣德宜充本

朝為博士不但教授生徒而已蓋漢世崇尚經術博士

多擇名流以備顧問其高第者往往列為九卿辟宣傳

載宣奏故大司空何武師丹故丞相孔光故左將軍彭

宣經皆更博士位歷三公可與建教化圖安危云云夫

以歷位三公之人而猶必引其曾官博士以為重亦可

知其為一代之清選矣

後漢書百官志博士祭酒一人六百石本僕射中興轉為

祭酒博士十四人比六百石易四施孟梁邱京氏尚書三

歐陽大小夏侯氏詩三魯齊韓氏禮二大小戴氏春秋二

公羊嚴顏氏掌教弟子承問對本四百石宣帝增秩

馬端臨文獻通考光武中興立五經博士各以其法教授

凡十四博士太常差次總領焉

章懷太子李賢後漢書注漢官儀曰博士十四人太常差

選有聰明威重一人為祭酒總領綱紀其舉狀曰生事愛

敬喪沒如禮通易尚書孝經論語兼綜載籍窮微闡奧隱

居樂道不求聞達身無金瘡痼疾三十六屬不與妖惡交

通王侯賞賜行應四科經任博士下言某官某甲保舉

後漢書翟酺傳酺爲大匠上言光武起太學博士舍內外講堂諸生橫巷爲海內所集

袁宏後漢紀永平中崇尚儒學自皇太子諸王侯及功臣子弟莫不受經又爲外戚樊氏郭氏陰氏馬氏諸子弟立學號四姓小侯置五經師

謹案漢東京但有太學之名未聞別建國子學而魏書劉芳傳引洛陽記謂國子學宮與天子宮對太學在開陽門外又以國子學與太學岐爲兩地考酈道元水經注洛水東經國子太學石經北漢魏以來置太學於國子堂云云是東漢太學講堂本名國子堂故又號爲國子太學卽博士講肄之地並無兩學其洛陽記所云國

子學殆指爲四姓小侯所建之學也

又案漢武帝立三雍宮說者謂明堂辟廱靈臺也然祇以祠祀上帝並非養士之所故晉灼漢書注謂西京無太學而攷之於史如何武傳稱學長安歌太學下鮑宣傳稱博士弟子濟南王咸等舉幡太學下又似西京已立太學馬端臨亦但稱當考而不能定其是非謹以紀傳之文參稽互證疑西漢雖無太學而博士實有官舍爲聚講行禮之所如王式傳徵爲博士旣至止舍中此卽博士官舍可知而成帝紀鴻嘉二年三月博士行飲酒禮有雉蜚集于庭歷階升堂而雉後集諸府又集承明殿是其地應與諸公府相近凡鄉飲大射皆就以行

事焉故當時卽謂之爲太學也自平帝時王莽爲宰衡起國學於郭門之西南爲博士之宮中央爲射宮見太平御覽所引三輔黃圖之文而光武亦起太學博士舍內外講堂諸生學巷於是學官居息諸生講肄之地始與學合矣

三國

〔三國蜀志許慈傳〕慈與胡潛並爲博士子勛傳其業復爲博士尹默傳子宗傳其業爲博士

〔三國魏志文帝紀〕黃初五年夏四月立太學制五經課試之法置春秋穀梁博士

〔通典〕魏置博士十九人

裴松之〔三國志注〕樂詳黃初中徵拜博士於時太學初立

有博士十餘人學多褊狹惟詳五業並授以是獨擅名

〔三國吳志三嗣主傳〕孫休永安元年十二月詔曰其案古置學官立五經博士核取應選加其寵祿科見吏之中及將吏子弟有志好者各令就業一歲課試差其品第加以位賞

晉

〔宋書禮志〕晉武帝咸寧二年起國子學蓋周禮國之貴游子弟所謂受教於師氏者也

〔冊府元龜〕晉承魏制置博士十九人武帝初立國子學以敎生徒而隸屬太學定置國子祭酒博士各一人助教十五人博士皆取履行清淳通明典義者若散騎常侍中書

侍郎太子中庶子以上皆得召試元帝初減國子祭酒博士助教爲九人大興中又置周易儀禮公羊博士末年增國子儀禮春秋公羊博士各一人合爲十一人後又增爲十六人不復分掌五經而謂之太學博士秩六百石孝武太元中損國子助教爲十員

南齊書禮志晉初太學生三千人既多猥雜欲辨其涇渭始立國子學官品第五以上得入國學太學之與國學斯是晉世殊其士庶異其貴賤耳然貴賤士庶皆須教成故國學太學兩存之也

太平御覽齊職儀曰晉令博士祭酒掌國學而國子生師事之祭酒執經葛巾單衣終身致敬

謹案周成均之法本以教國子而俊選咸得造焉故其時講業之所惟稱太學未嘗獨取國子爲學名也其國子之置學實始於晉代而猶與太學並建稱爲兩學潘岳閑居賦兩學齊列雙宇如一右延國胄左納良逸李善文選注引郭緣生述征記云國學在辟雍東北五里太學在國學東二百步是也蓋國學以教胄子太學以選賢良乃卽生徒肄習之地以爲別而師儒之職則固無所區分其稱國子祭酒特舉其所重者以名官耳

宋齊梁陳

通典宋文帝元嘉二十年立國子學二十七年廢

宋書百官志國子祭酒一人國子博士二人國子助教十

職官表卷三十四
人分教國子若不置學則助教惟置一人而祭酒博士常置也

南齊書百官志國子祭酒一人博士二人助教十人建元四年有司奏置國學祭酒准諸曹尚書博士准中書郎助教淮南臺御史選經學爲先若其人難備給事中以還明經者以本位領其下典學二人戶曹儀曹各二人治禮吏八人保學醫二人威儀二人其夏國諱廢學有司奏省助教以下永明三年立學尚書令王儉領祭酒八年國子博士何允單爲祭酒疑所服陸澄等皆不能據遂以元服臨試月餘日博議定乃服朱衣

謹案宋齊祭酒正除者少史傳所載如竟陵王子良以

司徒張緒以太常卿王儉以侍中尚書令並領國子祭酒蓋如今之總理監事大臣又宋齊惟置國子學而史載范泰爲太學博士則二名亦可互稱蓋已合國學太學爲一矣

冊府元龜梁國子祭酒一人班第十三比列曹尚書又置國子博士二人爲九班助教十人班第二又置太學博士八人班第三又置五經博士各一人

司馬光資治通鑑梁武帝天監四年春正月詔置五經博士廣開館宇招內後進於是以賀瑒及平原明山賓吳興沈峻建平嚴植之補博士各主一館館有數百生給其餼廩其射策通明者卽除爲吏

隋書百官志梁國學又有限外博士員舊國子學生限以貴賤帝欲招來後進五館生皆引寒門儻才不限人數大同七年國子祭酒到溉等又表立正言博士一人位視國子博士置助教二人

謹案梁代國子太學復分為二博士然實止一學南史到洽傳洽遷國子博士奉勅撰太學碑可知國子學即太學並非有兩地也

冊府元龜陳國子祭酒秩中二千石品第三博士品第四秩千石國子助教太學博士並品第八秩六百石

北魏

魏書儒林傳太祖初定中原立太學置五經博士生員千

有餘人天興二年增國子太學生員至三千太宗世改國子為中書學立教授博士世祖始光三年別起太學於城東太和中改中書學為國子學又開皇宗之學及遷都洛邑詔立國子太學四門小學世宗時復詔營國學樹小學於四門大選儒生以為小學博士員四十人神龜中將立國學詔以三品已上及五品清官之子以充生選未及簡置仍復停寢正光二年乃釋奠於國學始置國子生四十六人

冊府元龜後魏國子祭酒本第四品上後增為從三品國子博士從第五品上後增為第五品國子助教五人從七品太學博士第六品後降為第七品太學助教第八品中

四門博士第九品

魏書李訢傳詔崔浩選中書學生學業優者爲助教浩阿其親戚恭宗聞之世祖世祖意在於訢遂除中書助教博士

魏書李彪傳初爲中書教學博士

魏書劉芳傳太和中芳表曰洛陽記國子學與天子宮對太學在開陽門外今徙學高瀍皇居伊洛宮闕府寺僉復故趾國學應在宮門之左至如太學基所炳在仍舊營構又太和二十年發勅於四門置學臣案自周已上太學在國四小在郊今太學故坊基趾寬廣四郊別置相去遼闊檢督難周計太學坊并作四門猶爲太廣以臣愚量同處

無嫌從之

魏書術藝傳殷紹世祖時爲算生博士給事東宮西曹

魏書高祖本紀太和十六年幸皇宗學親問博士經義

魏書孫惠蔚傳爲中書博士轉皇宗博士

謹案北魏置國子學於宮門之左太學於城東四門學於四郊各有博士助教官而以國子祭酒總統之三學並立實自魏始據劉芳傳所載太學當卽置於開陽門外東漢舊址又以四郊太遠而併四門學附之其規制如此然考楊銜之洛陽伽藍記載閭闔門前御道東有司徒府府南有國子學堂內有孔子像顏淵問仁子路問政在側蓋卽所謂國子學而於開陽門外之太學則

但云開陽門御道東有漢國子學堂堂前有石經碑高祖題爲勸學里而已並未言魏朝別有營構是三學分建雖有其文而未行其生徒講肄者實止國子一學也至四門爲小學蓋仿三代郊外小學以教國人之法於魏而隋唐以後皆因之今制分設八旗官學以訓迪其子弟與四門學之在四郊者頗爲相近其算生博士亦與今算學館助教相同又魏置皇宗學別立博士魏書任城王澄傳載澄於世宗時上表以宗人有闕四時之業請修復皇宗之學詔尚書量宜修立蓋遷洛以後其事漸廢故澄請復之今制左右翼各設宗學一覺羅學四隸屬宗人府擇宗室覺羅子弟聰秀者入學以王

公總其事而置總管副管教習等員以時課習勸學興行蓋卽如魏之皇宗學而法制益加詳備焉

北齊

隋書百官志後齊國子寺掌訓教胄子祭酒一人亦置功曹五官主簿錄事員領博士五人助教十人學生七十二人太學博士十人助教二十人太學生二百人四門學博士二十人助教二十人學生三百人

北齊書儒林傳齊氏太學博士徒有虛名惟國子一學生徒數十人耳胄子以通經進仕者惟崔子發宋游卿而已

後周

通典後周官品正三命地官師氏中大夫正四命地官小

師氏春官太學博士下大夫正三命春官太學助教小學博士上士正二命春官小學助教中士

〔王應麟〕玉海後周武帝天和二年立露門學置生七十二人

〔後周書〕沈重傳天和六年授露門博士仍於露門館為皇太子講論

〔後周書〕熊安生傳拜露門學博士下大夫

〔後周書〕樂遜傳治太學博士轉治小師氏下大夫謹案冊府元龜稱後周有博士助教而祭酒無聞焉今考後周設官全仿周禮其師氏小師氏即漢魏以來祭酒之職故樂遜以博士轉為此官不得謂之無聞冊府

元龜蓋考之未審也至周置露門學蓋本周門闈小學之遺意故別置露門學博士與大學博士命數相同其師氏小師氏殆即兼領此二學者歟

隋

〔隋書〕百官志高祖受命置國子寺祭酒一人屬官有主簿錄事各一人統國子太學四門書算學各置博士國子太學四門各五人書算各二人助教國子太學四門各五人書算各二人學生國子一百四十人太學四門各三百六十人書四十人算八十人仁壽元年罷國子學惟立太學一所置博士五人學生七十二人煬帝即位改為國子監依舊置祭酒加置司業一人丞三人國子學置博士助教

各一人學生無常員太學博士助教各二人學生五百人
謹案自漢以降博士皆隸於太常至隋而國子寺始別
爲一署無所統屬尋又改名國子監并析置司業之官
遂至今沿爲定式焉

唐

新唐書百官志國子監祭酒一人司業二人掌儒學訓導
之政總國子太學廣文四門律書算七學天子視學皇太
子齒胄則講義釋奠丞一人掌判監事主簿一人掌印局
督監事七學生不率教者舉而免之錄事一人國子博士
五人掌教三品以上及國公子孫從二品以上曾孫爲生
者五分其經以爲業周禮儀禮禮記毛詩春秋左氏傳各

六十八人暇則習隸書國語說文字林三蒼爾雅每歲通兩
經求仕者上於監秀才進士亦如之學生以長幼爲序習
正業之外教吉凶二禮公私有事則相儀助教五人掌佐
博士分經教授直講四人掌佐博士助教以經術講授五
經博士各二人掌以其經之學教國子周易尚書毛詩左
氏春秋禮記爲五經論語孝經爾雅不立學官附中經而
已太學博士六人助教六人掌教五品以上及郡縣公子
孫從三品曾孫爲生者五分其經以爲業每經百人廣文
館博士四人助教二人掌領國子學生業進士者四門館
博士六人助教六人直講四人掌教七品以上侯伯子男
子爲生者及庶人子爲俊士生者律學博士三人助教一

職官表卷三十一
人掌教八品以下及庶人子爲生者律令爲顯業兼習格
式法例書學博士二人助教一人掌教八品以下及庶人
子爲生者石經說文字林爲顯業兼習餘書算學博士二
人助教一人掌教八品以下及庶人子爲生者二分其經
以爲業九章海島孫子五曹張邱建夏侯陽周髀五經算
綴術緝古爲顯業兼習記遺三等數凡六學束脩之禮督
課試舉皆如國子助教以下所掌亦如之

冊府元龜唐貞觀初改國子寺爲監六年復置國子司業
一人龍朔二年改國子監爲司成館祭酒爲大司成司業
爲少司成博士爲司成宣業咸亨初改司成館復爲國子
監大司成少司成復爲祭酒司業光宅初改國子監爲成

均監祭酒爲成均祭酒神龍初改成均監復爲國子監
唐書選舉志唐制凡學六皆隸於國子監博士助教分經
授諸生未終經者無易業諸學生通二經俊士通三經已
及第而願畱者四門學生補太學太學生補國子學三班
番下曰願入學者聽附國子學太學及律館習業蕃王及
可汗子孫願入學者附國子學讀書

謹案自北齊立國子寺隋改爲監嗣後建國學者皆以
國子爲名其實當時諸學並建其品官及庶人之子爲
生徒者各以差等分隸國子乃專教三品以上子孫之
學以此名監蓋特取其居首者以槩其餘耳元代以後
博士助教總爲一學無分教之法諸生亦不復以貴賤

爲區別而學校猶獨蒙國子之名蓋亦沿用隋唐之舊也又案唐國子監所隸凡七學韓愈昌黎集請上尊號表稱臣所管國子太學廣文四門及書算律等七館學生此自是當時定制唐六典祇稱國子監掌六學者蓋書成於開元之時廣文學尙未置也然考中葉以後他書所載如何蕃傳稱六館之士百餘人言於司業陽城李觀書稱學有六館生有三千亦皆不數廣文在內據鄭虔傳元宗置廣文館以虔爲博士久之兩壞廡舍有司不復修完寓泊國子館自是遂廢當時殆因廣文國子併在一館故言學制者仍通稱爲六館歟

五季

〔冊府元龜〕唐置國子監祭酒司業博士助教五代因之

〔五代會要〕後唐天成三年正月中書門下奏伏以祭酒之資歷朝所貴爰從近代不重此官況屬聖朝方勤庶政須宏雅道以振時風望令宰臣一員兼判國子祭酒勅宜令宰臣崔協兼判

謹案唐書鄭覃傳文宗以覃名儒故令以宰相領祭酒蓋如今之總理監事大臣後唐以崔協兼判祭酒當亦沿唐朝舊例也

宋

〔宋史職官志〕國子監置祭酒司業丞主簿各一人太學博士十人正錄各五人武學博士二人律學博士正各一人

祭酒掌國子太學武學律學小學之政令司業爲之貳丞
參領監事博士掌分經講授考校程文以德行道藝訓導
學者正錄掌舉行學規凡諸生之戾規矩者待以五等之
罰考教訓導如博士之職職事學錄五人掌與正錄通掌
學規學諭二十人掌以所受經傳諭諸生直學四人掌諸
生之籍及稽察出入凡八十齋齋置長諭各一人掌表率
齋生凡戾規矩者糾以齋規五等之罰仍月考齋生行藝
著於籍武學博士學諭各二人掌以兵書弓馬武藝訓誘
學者律學博士二人掌傳授法律及校試之事小學置職
事教諭二人掌訓導及考校責罰學長二人掌序齒位糾
不如儀者集正二人掌籍諸生名氏糾程課不逮

章俊卿山堂考索國子監祭酒宋初有判監事有管勾監
事侍制以上則爲判餘爲管勾元豐正官名置國子監祭
酒掌三學之教法政令崇寧立辟雍置大司成一員爲師
儒之首位在諸曹侍郎上政和罷辟雍官屬建炎三年併
國子監歸禮部紹興三年復置十二年始置祭酒○司業
宋有同判監事同管勾監事或帶職朝官充元豐置司業
建炎三年省紹興十二年復置隆興併省司業不與祭酒
並除乾道七年欲除劉焯孝宗曰司業乃祭酒之貳並置
何妨於是始並置○監丞宋景祐二年孫祖德請於直講
京官內差一員充監丞詔學官兼領掌錢穀出納之事元
豐置祭酒司業而監之事則丞與焉○國子博士宋國子

監初無博士有直講八人熙寧改爲太學博士元豐定制亦無國子博士大觀元年辭昂乞置國子博士四員與太學官分掌教導從之○主簿以京官或選人充掌文簿或勾考其出入焉元豐元年詔省主簿三年罷書庫官復置主簿○國子正錄元豐定制未置大觀元年辭昂乞置國子正錄凡二員○書庫官以京朝官充掌印經史羣書以備朝廷宣索賜予之用及出鬻而收其直以上於官建炎三年省紹興十三年復置一員後省三十二年詔學官兼書庫乾道七年復置○太學博士每經二人掌分經講授考校程文以德行道藝訓導學者建炎南渡廢紹興十三年始復建太學置博士二員○太學正錄仁宗朝胡瑗掌

太學其正錄第補諸生熙寧末興三舍始選官爲正錄如學官之例學正五人學錄五人元祐三年罷命官正錄以上舍內舍生充後復置命官學正二員紹聖改元復元豐學制命官學職悉仍舊焉○武學博士武學諭各二人慶曆三年置學未幾省熙寧五年復置選文武官知兵者充教授元豐官制行改爲武學博士建炎兵興廢紹興二十六年詔武學博士學諭各置一員

謹案宋國子監所掌仿唐制以國子太學爲二學各置博士正錄學諭等官而肄習者實祇有大學一所雖元豐初編修學制所言監以國子爲名而無國子教養之實乞令清要官親戚並入監聽讀然所置國子生額不

過二百人而太學生至四千餘人可知國子太學分教已徒有虛名究之入學者皆俊選之士蓋當時品官子弟多以蔭敘入仕不藉國學爲出身之途故雖國子名存而實則與古異矣

〔玉海〕元豐七年吏部請於四選補算學博士闕從之詔通算學者就試上等除博士中下等除學諭元祐元年罷崇寧三年復建五年四月罷十一月復置算學隸祕省大觀四年併入太史局

謹案宋算學不隸國子監與唐制不同又唐四門學宋於慶厯中暫置卽廢書學則崇寧中與畫學並設有博士學諭正錄各一人初隸國子監後併入翰林書藝局

廣文館則元祐初以四方游士冒畿縣戶應試者多因置廣文館生計其執牒驗試亦一時權宜之法今並附見於此

遼

〔遼史百官志〕上京國子監太祖置有祭酒司業監丞主簿國子學有博士助教又有東京學中京學中京別有國子監與朝官同南京學亦曰南京太學太宗置聖宗統和十三年賜水磴莊一區又有西京學

金

〔金史百官志〕國子監國子學太學隸焉祭酒正四品司業正五品掌學校丞二員從六品明昌二年增一員兼提控

女直學國子學博士二員正七品分掌教授生員考藝業
助教二員正八品教授四員正八品分掌教誨諸生國子
校勘從八品掌校勘文字國子書寫官從八品掌書寫實
錄太學博士四員正七品助教四員正八品

元

〔元史百官志〕蒙古國子監秩從三品至元十四年始立置
司業一人二十九年准漢人國學例置祭酒司業監丞祭
酒一員從三品司業二員正五品監丞一員正六品令史
一人筆且齊解見吏部篇一人知印一人○蒙古國子學秩正
七品博士二員助教二員教授二員學正學錄各二員掌
教習諸生後增學正二員學錄二員三十一年增助教一

員典給一人後定置博士二員正七品助教二員教授二
員並正八品學正學錄各二員典書一人典給一人○國
子監至元初以許衡為集賢館大學士國子祭酒教國子
與蒙古大姓四集賽解見內閣篇人員選七品以上朝官子孫
為國子生隨朝三品以上官得舉凡民之俊秀者入學為
陪堂生伴讀至元二十四年始置監祭酒一員從三品司
業二員正五品掌國之教令皆德尊望重者為之監丞一
員正六品專領監務典簿一員令史二人譯史知印典吏
各一人國子學秩正七品置博士二員掌教授生徒考校
儒人著述教官所業文字助教四員分教各齋生員大德
八年為分職上都增置助教二員學正二員學錄二員督

職官表卷三十四
習課業典給一員掌生員膳食○與文署秩從六品署令一員以翰林修撰兼之署丞一員以翰林應奉兼之至治二年罷置典簿一員從七品掌提調諸生飲膳與凡文牘簿書之事仍置典吏一人

元史選舉志至元二十四年立國子學而定其制設博士通掌學事分敎三齋生員講授經旨究正音訓復設助教同掌學事而專守一齋正錄申助規矩督習課業

元文類世祖卽位內設胄監外設提舉官以領學校至元八年頒行國字又設蒙古字學視儒學而加重焉

謹案元以蒙古國子監屬翰林院國子監屬集賢院別置興文署以教授生徒其制與唐宋稍異又歷代皆以

品官子弟爲國子生士民子弟爲太學生分學敎肄自元以七品以上朝官子孫爲國子生而取庶民之俊秀者爲陪堂伴讀始合太學生於國子至今遂沿爲定法其置游藝依仁據德志道時習日新六齋合博士分敎以次遞陞見選舉志亦今國子監六堂之制所由昉也

明

明史職官志國子監祭酒一人從四品司業一人正六品其屬

繩愆廳監丞一人從八品司士廳五經博士五人從八品率性

修道誠心正義崇志廣業六堂助教十五人從八品學正十

人正九品學錄七人從九品典簿廳典簿一人從八品典籍廳典

籍一人從九品掌饌廳掌饌二人未入流祭酒司業掌國學諸

生訓導之政令監丞掌繩愆廳之事以參領監務堅明其約束諸師生有過及廩膳不潔並糾懲之而書之於集愆冊博士掌分經教授而時其考課典簿典文移金錢出納支受典籍典書籍掌饌掌飲饌明初卽置國子學設博士助教學正學錄典籍典書典膳等官吳元年定國子學官制增設祭酒司業典簿洪武八年又置中都國子學秩正四品命國子學分官領之十三年改典膳爲典饌十五年改爲國子監秩從四品設祭酒一人司業一人監丞典簿各一人博士三人助教十六人學正學錄各三人掌饌一人中都國子監制亦如之二十四年更定國子監品秩員數中都國子監設祭酒司業監丞典簿博士學正學錄掌饌各

一人助教二人品秩與在京同二十六年罷中都國子監永樂元年置國子監於北京設祭酒司業監丞典簿博士學正學錄掌饌各一人助教二人宣德九年省司業宏治十五年復設明初祭酒司業擇有學行者任之後皆由翰林院官遷轉

〔明史選舉志〕明初改應天府學爲國子學後改建於雞鳴山下旣而改學爲監設祭酒司業等官分六堂以館諸生厚給廩餼其教之之法每旦祭酒司業坐堂上屬官自監丞以下首領則典簿以次序立諸生揖畢質問經史拱立聽命惟朔望給假餘日升堂會饌乃會講復講背書輪課以爲常永樂元年始設北京國子監十八年遷都乃以京

師國子監爲南京國子監而太學生有南北監之分矣

謹案三代成均之法如師氏大司樂等其職皆主於教國子呂祖謙謂國子是世祿之家鮮克由禮不可不設官以教養之而鄉遂州黨所興賢能之士不更見有掌教之官當由學校事重非有司簿書期會所領不隸於六官故周禮未之及也秦漢而後建學者雖以國子爲名其實世官之法久廢所教皆民間之俊選故自西漢時博士弟子已多至數千人歷代相沿員額浸廣設官分課損益非一於人材固多所造就而教之無法流弊亦往往潛滋如東漢太學諸生三萬餘人各立部黨自相標榜史稱其噓枯吹生三府辟召常出其口公卿以

下莫不畏其貶議致釀成黨錮之禍流毒無窮逮宋而太學生恣橫尤甚靖康之季以請用李綱至於聚眾數千伏闕槌鼓擊殺中使宋廷無可如何比南渡而太學尤皆闒茸之流大抵以獻頌拜表希望恩澤一有不及謗議喧然甚且三學諸生動稱捲堂大散挾制朝廷目無法紀迄於明世遺習尙存及其末造而請以魏忠賢配享孔子者卽出於太學諸生儒風掃地洵由法制不立教化不明無以整齊約束之所致也

國家學校風行教思廣被

皇上崇儒重道屢蒙

聖駕臨雍釋奠懋舉隆儀太學

左右監副爲二員其總理監務王大臣自乾隆十年以來始置皆由

特簡無定員

時憲科五官正滿洲二人蒙古二人春夏中秋冬五官正漢人各一人秋官正漢軍一人俱從六品五官司書漢人一人正九品博士

滿洲一人漢軍二人蒙古二人漢人十有六人從九品

掌推天行之度驗歲差以均節氣凡時憲書之以

國書蒙古文譯布者滿洲蒙古五官正司之推算日月交食

七政相距衝退留伏交宮同度等事漢人五官正司之推

驗日月五星相距等事漢軍秋官正司之校刊時憲書以

頒四方五官司書司之博士歲以漢人二人直譙樓視更

鼓之節餘各從其長以分典厥事五官正滿洲蒙古漢人

員額俱康熙四年定又初治明制設有回回科順治初裁

革以其職改隸漢軍秋官正五官司書初置二人康熙十

四年省一人博士初置滿洲蒙古共六人不分員額除授

又漢軍三人漢人三十六人康熙四年省漢人博士十有

四人五年復增設漢人博士二人乾隆四十七年定置滿

洲博士四人蒙古博士二人皆分隸三科焉

天文科五官靈臺郎滿洲二人蒙古一人漢軍一人漢人四人

從七品五官監候漢人一人正九品博士滿洲三人漢人二人

掌眡天象之垂書雲物以協歲占每日以滿洲漢人官各

一人率天文生十有五人登觀象臺攷儀器以窺乾象每

時以四人分觀四方晝夜輪直凡八節風占及雲氣流星諸象當奏者送監密題以

間五官靈臺郎初置滿洲蒙古共三人不分員額除授乾隆四十七年定置滿洲二人蒙古一人漢軍漢人靈臺郎及五官監候各員額俱康熙四年定又原設漢人五官保章正二人康熙十四年省

漏刻科五官挈壺正滿洲蒙古各一人漢人二人從八品五官司晨漢軍一人從九品博士漢人六人

掌調壺占測中星審緯度相陰陽以諏時日而卜營建焉五官挈壺正初置滿洲蒙古共二人不分員額除授乾隆四十七年定置滿洲一人蒙古一人漢人挈壺正員額康

熙四年定五官司晨初置漢軍漢人各一人康熙十四年省漢人員額

主簿廳主簿滿洲漢人各一人正八品

掌章奏文移簿籍員額康熙四年定

食俸天文生滿洲蒙古十有六人漢軍八人漢人二十四人食糧天文生漢人五十六人食糧陰陽生漢人十八人

滿洲蒙古漢軍天文生俱以算學生選充視筆帖式食俸漢人天文生陰陽生以算學生暨肄業生選充食俸者視從九品食糧者亦以九品頂帶給之均與世業子弟分班補用天文生分隸三科各司推算觀候之事陰陽生隸漏刻科主譙樓直更監官以時攷其術業而進退之

筆帖式滿洲十有一人蒙古四人漢軍二人

筆帖式員額俱康熙四年定職事見吏部篇

歷代建置

三代

春秋左氏傳邲子曰我高祖少皞摯之立也鳳鳥適至故紀於鳥為鳥師而鳥名鳳鳥氏麻正也元鳥氏司分者也

伯趙氏司至者也青鳥氏司啟者也丹鳥氏司閉者也杜預

注鳳鳥知天時故以名官元鳥燕也伯趙伯勞也青鳥鶻也丹鳥鶻也上四鳥皆麻正之屬官

國語楚語少昊氏之衰九黎亂德人神雜擾顓頊受之乃命南正重司天以屬神火正黎司地以屬民使復舊常無相侵瀆其後堯復育重黎之後不忘舊者使復典之以至

于夏商

尚書堯典乃命羲和欽若昊天麻象日月星辰敬授人時孔安國傳重黎之後羲氏和氏世掌天地四時之官孔穎達疏少昊五鳩氏即周世卿官別有鳳鳥氏為麻正班在五鳩之上是上代以來皆重麻數故知堯於卿官之外別命羲和掌天地於時羲和似尊於諸卿後世以來稍益卑賤周禮太史即古羲和之任也

謹案史記封禪書稱黃帝迎日推策而左傳所紀少昊時有司分至啟閉之官嗣後顓頊命重黎帝堯命羲和說者謂羲即重之後和即黎之後世掌天地蓋古聖人奉若天道大戴禮記所謂慎守日月之數以察星辰之

行序四時之順逆者其事甚鉅故特重其官皆以上卿掌之良以撫辰凝績人道正而萬事成實王政之最大者自後世算家但工術數司馬遷至謂文史星麻近乎卜祝之間而其職乃視上古較輕矣今採掇唐虞以前經傳所徵信者錄冠三代之首以明敬天授時其所從來者遠也

尚書胤征羲和廢厥職酒荒于厥邑孔安國傳羲氏和氏自唐虞至三代世職不絕

呂氏春秋夏大史令終古出其圖法如商

禮記曲禮天子建天官先六大曰大史鄭康成注此蓋殷時制也

淮南子汜論訓殷大史令向藝先歸文王

周禮春官大史下大夫二人上士四人府四人史八人胥

四人徒四十人掌建邦之六典正歲年以序事頒之于官

府及都鄙頒告朔于邦國太史抱天時與太師同車鄭康成注

太史日官也馮相氏中士二人下士四人府二人史四人徒八

人掌十有二歲十有二月十有二辰十日二十有八星之

位辨其敘事以會天位冬夏致日春秋致月以辨四時之

敘鄭康成注馮乘也相視也世登高臺以視天文之次序保章氏中士二人下士四

人府二人史四人徒八人掌天星以志星辰日月之變動

以觀天下之遷辨其吉凶以星土辨九州之地所封封域

皆有分星以觀妖祥以十有二歲之相觀天下之妖祥以

五雲之物辨吉凶水旱降豐荒之祲象以十有二風察天

地之和命乖別之妖祥凡此五物者以詔救政訪序事鄭

成注保守也世守天文之度

周禮夏官挈壺氏下士六人掌挈壺鄭康成注縣壺以為漏

禮記月令乃命太史守典奉法司天日月星辰之行宿離

不貸鄭康成注太史禮官之屬離讀如儷偶之儷宿儷謂其屬馮相氏保章氏掌天文者相與宿偶當審候伺

不得過差也

謹案周太史為史官及日官之長故後世典祕書及天

文者皆以為出於太史之職然記言記動有內史外史

以分任之而太史明於天道所掌在建典辦法並不司

典籍策書實與今翰林不同惟其正歲年頒告朔正如

今之造時憲書以頒行四方故與欽天監職掌較為相

合漢魏以來置太史曹監局以掌天時星算其源流蓋

出於此至魯語稱太史司載糾虔天刑韋昭注云載天

文也司天文謂馮相保章氏蓋此二官皆太史之屬分

治術數太史不過總攬綱維而已孔穎達月令正義謂

馮相氏主日月五星年氣節候推步遲疾審知所在之

處若今之司麻主其算術保章守天之文章謂度數失

常次妖孽吉凶所在若今天文家惟主變異其言最為

明晰以今制相準馮相氏當如今之時憲科而保章氏

則如今之天文科也

周禮春官太卜下大夫二人掌三兆之灋三易之灋三夢

之灋以邦事作龜之八命卜師上士四人卜人中士八人下士十有六人掌開龜之四兆占人下士八人掌占龜以八簪占八頌簪人中士二人掌三易以辨九簪之名

謹案周以前重卜筮國有大事所以決疑求正故特設官以掌之而以太卜爲之長秦漢以降亦有太卜令隸屬太常但後世龜策既廢改用式占官民通用由來已久周禮太史抱天時與太師同車鄭司農云抱式以知天時是卽三式之法所自始太乙六壬遁甲謂之三式雖爲術各別而審陰陽生剋以定吉凶則初無二義今凡一切禮儀營建之事皆由欽天監漏刻科選擇日時審度嚮背蓋亦猶周太卜之職也

春秋左氏傳天子有日官諸侯有日御日官居卿以底日禮也日御不失日以授百官於朝服虔注日官日御典麻

數者也居卿者使卿居其官以主之重麻數也李華云天

史佚史扁是也諸侯日御則裨寵子韋是也

春秋左氏傳十一月乙亥朔日有食之辰在申司麻過也

再失閏矣孔穎達疏魯之司麻漸失其閏

謹案日官日御皆司天之職故鄭康成以爲卽周禮之太史後漢書張衡傳衡復爲太史令曰曩滯日官今又原之其義與鄭氏相同史記有日者列傳當亦因日官主日故善卜者因以爲名也至古之典天文算數者皆世業相傳重黎羲和歷代備職周官馮相保章賈公彥

亦謂世守其法故名官曰氏史記則謂之疇人蓋卽管子所謂人與人相疇家與家相疇乃習爲常業之意周末喪亂其子弟雖分散四方而史記封禪書載有周太史儋見秦獻公論周秦離合之事則其職亦未爲盡失矣

秦

杜佑通典秦爲太史令

胡毋敬之爲太史令作博學七章

漢

漢書百官公卿表太常屬官有太史令丞

漢書司馬遷傳父談爲太史公注如淳曰漢儀注太史公

武帝置位在丞相上天下計書先上太史公副上丞相遷

死後宣帝以其官爲令行太史公文書而已師古曰談爲太史令遷尊其父故謂之公如說非也晉灼曰百官表無太史公在丞相上又衛宏所說多不實未可以爲正

史記太史公自序談卒三歲而遷爲太史令司馬貞索隱博物志太史令茂陵顯武里大夫司馬遷年二十八三年六月乙卯除六百石也

王應麟玉海茂陵中書談以太史丞爲太史令

漢書律厯志武帝詔典星射姓師古曰姓射名姓也等造漢厯姓秦

不能爲算乃選治厯鄧平及長樂司馬可酒泉侯宜君等凡二十餘人都分天部遂用鄧平厯以平爲太史丞後太史令張壽王上言宜更厯詔下主厯使者鮮于妄人詰問

壽王不服妄人請與治麻大司農中丞麻光等雜候鈎校奏可

劉知幾史通自古太史之職雖有述著爲宗而兼掌麻象日月陰陽氣數司馬遷旣沒後之續史記者褚先生劉向馮商揚雄之徒並以別職來知史務於是太史之署非復記言之司故張衡單颺王立高堂隆等其當官見稱惟知占候而已

謹案漢書百官表不載太史令祿數而博物志稱司馬遷爲令六百石漢書律麻志載丞相御史劾太史令張壽王吏八百石古之大夫是昭宣以後已漸增其秩然皆未及千石亦足見漢儀注所言位在丞相上者爲不可信矣至典星治麻乃漢官儀所謂待詔皆屬於太史令漢書天文志元光中天星搖間候星者西域傳武帝詔太史治星望氣皆以爲吉蓋卽其職而主麻使者治麻大司農中丞等官則以他官兼領此事正如今總理監務之大臣也

後漢書百官志太史令一人六百石掌天時星麻凡歲將終奏新年麻凡國祭祀喪娶之事掌奏良日及時節禁忌凡國有瑞應災異掌記之丞一人明堂及靈臺丞一人二百石二丞掌守明堂靈臺靈臺掌候日月星氣皆屬太史劉昭後漢書志注漢官儀曰太史待詔三十七人其六人治麻三人龜卜三人廬宅四人日時三人易筮二人典禳

籍氏許氏典昌氏各三人嘉法請兩解事各二人醫一人
靈臺待詔四十二人其十四人候星二人候日三人候風
十二人候氣三人候暑景七人候鐘律一人舍人

玉海漢太史有望郎三十人掌故二十人

後漢書律厯志元和元年待詔候鐘律殷彤元和二年治
厯編訢李梵永平九年太史待詔董萌張隆永元中典星
待詔姚崇并畢等熹平中治厯郎梁國宗整太史治厯郎
中郭香劉固舍人馮恂等

通典秦漢以來太史之任蓋併周之太史馮相保章三職
謹案後漢太史丞始分太史靈臺爲二職今時憲天文
各爲一科蓋本于此至待詔職員甚多如典星治厯候

鐘律望氣舍人之類皆見于前後漢書其或稱治厯郎
及治厯郎中乃是爲郎而待詔者耳竝非別有是官後
漢書注引袁山松書劉洪以校尉應太史徵拜郎中所
云太史徵者卽謂徵至太史爲待詔蓋當時司天之職
多由辟舉故待詔之善於其術者亦得轉爲令丞如鄧
平以治厯待詔爲太史丞是也

漢書百官公卿表太常有太卜令丞武帝太初元年初置
唐六典漢武置太卜博士

後漢書百官志太常有太卜令六百石後省并太史

史記龜策列傳高祖時因秦太卜雖父子疇官世世相傳
其精微深妙多所遺失至今上謂武帝卽位博開藝能之路

數年之間太卜大集

史記日者列傳褚先生曰臣為郎時與太卜待詔為郎者同舍言曰孝武時聚會占家有五行堪輿建除叢辰麻天人太乙家制日以五行為主

謹案秦漢因周制別置太卜官至後漢而省并太史故後漢志載太史職守有祭祀喪娶之事掌奏良日一節而漢官儀所記太史待詔亦有龜卜廬宅時日諸科益即太卜所司併入太史者今欽天監兼主選擇是其例也

三國

三國蜀志後主傳景耀元年史官言景星見

謹案陳壽作後主傳評稱國不置史注記無官而傳中又有史官言景星見事蓋當時所闕者載筆之職而太史令之主天文者則依舊備官晉書律麻志稱劉氏在蜀仍漢四分麻亦可知日官推步之法固未嘗廢矣

晉書律麻志魏文帝黃初中太史令高堂隆太史丞韓翊

晉書天文志明帝太和初太史令許芝
裴松之三國志注太史上漢麻不及天時更為太和麻詔高堂隆與尚書郎楊偉太史待詔駱祿參共推校

唐六典魏太史令吏員有望侯郎二十人候部郎十五人掌候天文有靈臺丞主候望頒麻

三國魏志周宣傳宣占夢十中八九文帝以為中郎屬太

史

謹案魏太史有令丞及待詔大抵皆與漢制相同其周宣以中郎屬太史亦即待詔之職也

三國吳志吳範傳權以範為騎都尉領太史令

三國吳志韋曜傳孫亮即位曜為太史令

三國吳志劉惔傳太史丞公孫滕

隋書天文志三國時吳太史令陳卓始列甘氏石氏巫咸

三家星官著於圖錄

謹案吳因漢制有太史令丞而吳範以騎都尉領太史令則當如今之兼管監事又裴松之三國志注載孫權呼知星者問分野星氣孫皓時望氣者云荊州有王氣

是吳靈臺所屬尙當有候星候氣諸待詔蓋猶沿漢之舊也

晉

晉書百官志太常統太史令太史又別置靈臺丞

唐六典晉太史令品第七秩六百石銅印墨綬進賢一梁

冠絳朝服丞一人秩二百石太史吏員有典厯四人望候

郎二十人候部吏十五人江左高瑩以侍中陳卓以義熙

守吳道欣以殿中侍御史兼領太史

謹案自漢末以天文為祕學專門授受具有源流故雖十六國瓜分雲擾之時而為日官者尙多能工其術史傳所載如漢有太史令宣于修之康相弁廣明臺產趙

有太史令趙攬前秦有太史令康權前燕有太史令黃
泓南燕有太史令成公綏北燕有太史令閔盛前涼有
太史令賈曜郭磨後涼有太史令劉梁張衍皆以占候
著名亦其一時風尚所在也

宋齊梁陳

宋書百官志太史令一人丞一人掌三辰時日祥瑞妖災
歲終則奏新曆

南齊書百官志太史令一人丞一人

隋書百官志梁太常統太史令丞太史別有靈臺丞

通典太史宋齊並屬太常梁陳亦同

唐六典梁陳太史丞三品勳位宋齊梁陳皆有靈臺丞典

麻史闕其員品

宋書律麻志元嘉二十年何承天奏漏刻改用二十五箭
請臺勒漏郎將考驗施用

謹案漏郎將沈約百官志無此官蓋郎將之司漏刻者
如今挈壺正之職也

北魏

魏書術藝傳魏太祖太宗時太史令王亮蘇坦高祖時太
史令趙樊生竝知天文後太史趙勝趙翼趙洪慶胡世榮
胡法通等二族世掌天官

冊府元龜後魏太史丞史失其品

魏書官氏志太史博士太卜博士太常日者從第七品下

取官表卷三十一
太史助教第九品中

魏書太祖紀今天賜三年占授著作郎王宜弟造兵法孤
虛立成圖三百六十時

唐六典後魏有典麻史闕其員品

謹案魏書官氏志不言太史所隸而冊府元龜則繫之
祕書監下今攷魏祕書有鍾律占授諸郎皆與太史職
事相連故律麻志載上谷張明豫以鐘律郎擢爲太史
令疑當時太史已屬祕書省冊府元龜或當有所據也

北齊

隋書百官志後齊太常統太史署令丞掌天文地動風雲
氣色律麻卜筮等事太史兼領靈臺太卜二局丞靈臺掌

天文觀候太卜掌諸卜筮

唐六典北齊有典麻史闕其員品

謹案隋志稱後齊武平中有廣平人劉孝孫張孟賓二
人同知麻事竝無官號蓋猶漢之以知星人待詔太史
者也

後周

通典後周官品正五命春官太史中大夫正四命春官太
卜下大夫正三命春官馮相保章小卜等上士正二命春
官馮相保章等中士

唐六典後周春官府置太史中大夫一人掌麻家之法

謹案隋書庾季才傳季才在周武帝時以車騎大將軍

儀同三司遷爲太史其職甚重蓋當時六官竝建故太史爲中大夫次於六卿非前代之隸屬太常者比也至隋書律厯志有周太史上士馬顯保章上士任悅在隋初議厯事而通典載周官品獨不及太史上士之職殊爲闕略又隋書來和傳稱和在周爲少卜上士而通典作小卜亦微有不同

隋

隋書百官志高祖置祕書省領太史曹置令丞各二人司厯二人監候二人其厯天文漏刻視祿各有博士及生員太史令從七品太史丞正九品大史監候太史司厯從九品左右武侯府置司辰師四人漏刻生一百一十八人司辰

師正九品煬帝三年改太史局爲監進令階爲正五品又減丞爲一人置司辰師八人增置監候十人其後又改監少監爲令少令

唐六典隋改典厯爲司厯取左傳司厯爲名天文博士掌教習天文氣色天生觀生掌晝夜在靈臺伺候天文氣色漏刻博士掌教漏刻生漏刻生掌習漏刻之節以時唱漏謹案隋以太史屬祕書蓋本周禮史官日官同職之意其司辰監候諸職亦皆昉於隋而至今沿之至隋書所載如庾季才以通直散騎常侍領太史令張胄元以員外散騎侍郎領太史令蓋皆如今之加銜畱任而胄元初以雲騎尉直太史參議律厯事則如漢之待詔唐初

以李淳風直太史尚循其例又律厯志有厯助教傅雱成珍等而百官志無此職殆暫置卽罷故史文從略歟

唐

舊唐書百官志司天臺舊太史局隸祕書監龍朔二年改爲祕閣局久視元年改爲渾儀監景雲元年改爲太史監復爲太史局隸祕書乾元元年三月十九日敕改太史監爲司天臺改置官屬舊置於子城內祕書省西今在永寧坊東南角也

通典大唐初改監爲局置令龍朔元年改太史局爲祕書閣改令爲郎中丞爲祕書閣郎咸亨初復舊久視元年改爲渾天監不隸麟臺改令爲監置一人其年又改爲渾儀

監長安二年復爲太史局又隸麟臺其監復爲太史局令置二人景龍二年復改局爲監而令名不易不隸祕書開元二年復改令爲監改一員爲少監十四年復爲太史局置令二人復隸祕書後又改局爲監乾元元年又改其局爲司天臺掌天文厯數風雲氣色有異則密封以奏

舊唐書肅宗本紀乾元元年三月太史監爲司天臺取水監坊張守珪宅置仍補官員六十人

新唐書百官志司天臺監一人正三品少監二人正四品上丞一人正六品上主簿二人正七品上主事一人正八品下監掌察天文稽厯數凡日月星辰風雲氣色之異率其屬而占有通元院以藝學召至京師者居之凡天文圖

書器物非其任不得與焉每季錄祥省送門下中書省紀于起居注歲終上送史館歲頒麻于天下○春官夏官秋官冬官中官正各一人正五品上副正各一人正六品上掌司四時各司其方之變異冠加一星珠以應五緯衣從其方色元日冬至朔望朝會及大禮各奏方事而服以朝見○五官保章正二人從七品上五官監候三人正八品下五官司麻二人從八品上掌麻法及測景分至表準○五官靈臺郎各一人正七品下掌候天文之變五官挈壺正二人正八品上五官司辰八人正九品上漏刻博士六人從九品下掌知漏刻凡孔壺爲漏浮箭爲刻以考中星昏明更以擊鼓爲節點以擊鐘爲節

唐六典隋置司辰師唐朝因之貞觀元年除師字長安四年始置挈壺正省麻博士置保章正以當之省天文博士置靈臺郎以當之

舊唐書職官志太卜署令一人從八品下丞一人正九品正二人從九品下博士二人從九品下掌卜筮之法辨其象數通

其消息以定吉凶

謹案唐司天官屬唐六典及舊唐書職官志新唐書百官志員名多寡互有不同蓋六典所載乃開元中舊制故尙稱太史局未有司天臺之名舊志所載則乾元新改之制故其官額尙多至六十人惟新志所載自監以下諸官共三十七人乃後來增損定式宜據以爲準今

故著之於篇而六典舊志則僅節取其沿革大略而已
至太史局本屬祕書省自改司天臺以後已別爲一署
無所隸屬與唐初之制殊矣

五季

五代史馬重績傳晉有天下拜重績太子右贊善大夫遷
司天監天福三年重績創新法以唐天寶十四載乙未爲
上元雨水正月中氣爲氣首詔下司天監趙仁琦張文皓
等考覆得失乃下詔班行之

五代史趙延義傳延義事周爲太府卿判司天監

謹案五季制度率陋惟司天監所掌算數猶未失其官
故馬重績等皆以術顯觀重績上新法而趙仁琦等爲

之考覆其職皆司天監則當時所設殆不止一員特史
文不備無由知其詳耳又晉高祖本紀載天福三年九
月己未歸司天雞叫學生殷暉於契丹其名亦未經見
攷唐六典挈壺正下有漏刻典事十六人漏刻生三百
六十人典鐘二百八十人典鼓一百六十人則雞叫學
生當卽漏刻生之掌報昏曉者也

宋

宋史職官志太史局掌測驗天文攷定厯法凡日月星辰
風雲氣候祥眚之事日具所占以聞歲頒厯于天下則預
造進呈祭祀冠昏及大典禮則選所用日其官有令有正
有春官夏官中官秋官冬官正有辰有直長有靈臺郎有

保章正其判局及同判則選五官正以上業優攷深者充保章五年直長至今十年一遷惟靈臺郎試中乃遷而挈壺正無遷法其別局有天文院測驗渾儀刻漏所掌渾儀臺晝夜測驗辰象○鐘鼓院掌文德殿鐘鼓樓刻漏進牌之事○印厯所掌雕印厯書南渡後竝同隸祕書省長貳丞郎輪季點檢

章俊卿山堂考索宋初置司天監以他官兼判又有同判之名以朝官充元豐官制行置太史令總一局之事而正與丞爲之貳

宋史律厯志熙寧間司馬光沈括皆嘗提舉司天監

季心傳建炎以來朝野雜記提舉太史局者舊率以近臣

兼之熙豐間司馬公王和甫繼居是任後不復置紹興五年十月復置以命辭象先明年何自然以非舊典爲言遂罷去太史局日官舊止於五官正孝宗時始增春夏秋冬中五官大夫

沈括夢溪筆談國朝置天文院於禁中設漏刻觀天臺銅渾儀皆如司天監與司天監互相檢察每夜天文院具有無諦見雲物祲祥及當夜星次須令於皇城門未發前到禁中門發後司天占狀方到以兩司奏狀對勘以防虛僞近歲皆是陰相計會符同寫奏習以爲常其來已久中外具知之不以爲怪其日月五星行次皆只據小厯所算躔度騰奏不曾占候有司但備員苟祿而已熙寧中予領太

史嘗案發其欺免官者六人未幾其弊復如故

謹案宋志載英宗時有司天監生石道陳邁南渡後有

太史局生阮興祖蓋即如今之天文生也

遼

遼史百官志司天監有太史令有司麻靈臺郎挈壺正五

官正丞主簿保章正監候司辰刻漏博士典鐘典鼓

謹案遼史百官志所載南面朝官大都皆以唐制準之

非必盡有實證惟司天一監穆宗紀應麻十一年有司

天王白李正等進麻事景宗紀保寧九年有司天奏日

當食不虧事其職掌皆可攷見可知靈臺官守猶未失

也

金

金史百官志司天臺提點正五品監從五品掌天文麻數

風雲氣色密以奏聞少監從六品判官從八品教授舊設

二員正大初省一員係籍學生七十六人漢人五十人司天

管勾從九品不限資攷員數隨科十人長行人五十人未

職事者試天文科女直漢人各六人算麻科八人三式科

四人測驗科八人漏刻科二十五人銅儀法物舊在法物

元

元史百官志太史院秩正三品掌天文麻數之事至元十

五年始立院置太史令等官一員至大元年陞從二品設

官十員延祐三年陞正二品設官十五員後定置院使五員正二品同知二員正三品僉院二員從三品同僉二員正四品院判二員正五品經歷一員從五品都事一員從七品管勾一員從九品令史三人譯史一人知印二人通事一人宣使二人典吏二人春官正兼夏官正一員正五品秋官正兼冬官正中官正一員正五品保章正五員正七品保章副五員正八品掌麻二員正八品腹裏印麻管勾一員從九品各省司麻十二員正九品印麻管勾二員從九品靈臺郎一員正七品監候六員從八品副監候六員正九品星麻生四十四員挈壺正一員從八品司辰郎二員正九品燈漏直長一人教授一員從八品學正一員

從九品校事郎二員正八品○司天監秩正四品掌凡麻象之事提點一員正四品司天監三員正四品少監五員正五品丞四員正六品知事一員令史二人譯史一人通事兼知印一人屬官提學二員教授二員竝從九品學正二員天文科管勾二員算麻科管勾二員三式科管勾二員測驗科管勾二員漏刻科管勾二員竝從九品陰陽管勾一員押宿官二員司辰官八員天文生七十五人中統元年因金人舊制立司天臺設官屬至元八年以上都承應闕官增置行司天監十五年別置太史院與臺竝立頒麻之政歸院學校之設隸臺二十三年置行監二十七年又立行少監皇慶元年陞正四品延祐元年特陞正三品

七年仍正四品○回回司天監秩正四品掌觀象衍麻提
點一員司天監三員少監二員監丞二員品秩同上知事
一員令史二員通事兼知印一人奏差一人屬官教授一
員天文科管勾一員算麻科管勾一員三式科管勾一員
測驗科管勾一員漏刻科管勾一員陰陽人一十八人世
祖在潛邸時有旨徵回回為星學者扎馬里鼎原作扎瑪
刺丁今依
改正等以其藝進未有官署至元八年始置司天臺秩從
五品十七年置行監皇慶元年改為監秩正四品延祐元
年陞正三品置司天監二年命祕書卿提調監事四年復
正四品

元史郭守敬傳守敬拜昭文館大學士知太史院事大德
七年詔內外官年及七十並聽致仕獨守敬不許其請自
是翰林太史司天官不致仕定著為令

謹案元代太史院與司天監竝立然推步測算之事皆
歸太史院司天監特備官而已至回回星學始見於唐
之九執麻元則有扎瑪里鼎作萬年麻遂特設回回司
天監以傳衍其術明亦別置回回科與大統參用迨
本朝順治二年以西洋監正湯若望奏請裁撤回回科今
漢軍秋官正專司日月五星相距等事蓋猶其舊職也

明

明史職官志欽天監監正一人正五品監副二人正六品其屬
主簿廳主簿一人正八品春夏中秋冬官正各一人正六品五

官靈臺郎八人

從七品後
革四人

五官保章正二人

正八品後
革一人

五

官挈壺正二人

從八品後
革一人

五官監候三人

正九品後
革一人

五官

司麻二人

正九品

五官司晨八人

從九品後
革六人

漏刻博士六人

從九品後
革五人

監正副掌察天文定麻數占候推步之事凡日

月星辰風雲氣色率其屬而測候焉有變異密疏以聞凡

習業分四科曰天文曰漏刻曰回回曰麻自五官正下至

天文生陰陽人各分科肄業每歲冬至日呈奏明歲大統

麻

成化十五年改頒明
歲麻於十月朔日

送禮部頒行其御覽月令麻七政

躔度麻六壬遁甲麻四季天象錄竝先期進呈凡麻注御

麻注三十事

如祭祀頒詔
行幸等類

民麻三十二事壬遁麻七十二

事凡祭日前一年會選以進移知太常凡營建征討冠婚

山陵之事則選地而擇日立春則預候氣於東郊大朝賀

於文樓設定時鼓漏刻報時司晨雞唱各供其事日月交

食先時算其分秒時刻起復方位以聞下禮部移內外諸

司救之仍案占書條奏

若食不及一分與回回麻雖
食一分以上則奏而不救

監官

毋得改他官子孫毋得徙他業乏人則移禮部訪取而試

用焉五官正推麻法定四時司麻監候佐之靈臺郎辨日

月星辰之躔次分野以占候天文之變觀象臺四面面四

天文生輪司測候保章正專志天文之變定其吉凶之占

挈壺正知刻漏孔壺為漏浮箭為刻以考中星昏旦之次

漏刻博士定時以漏換時以牌報更以鼓警晨昏以鐘鼓

司晨佐之明初即置太史監設太史令通判太史監事僉

判太史監事校事郎五官正靈臺郎保章正副挈壺正掌

麻管勾等官以劉基為太史令吳元年改監為院秩正三

品院使正三品同知正四品院判正五品五官正正六品

典簿雨暘司時敘郎紀候郎正七品靈臺郎保章正正

八品副從八品掌洪武元年徵元太史張祐張沂等十四

人改太史院為司天監設監令一人正三品少監二人正四

監丞一人正六品主簿一人正七品主事一人正八品五官正五

人正五品五官副五人正六品靈臺郎二人正七品保章正二人

從七品監候三人正八品司辰八人正九品漏刻博士六人從九

又置回回司天監設監令一人正四品少監二人正五品監丞

二人正六品徵元回回司天監鄭阿里滿洲語承受也今仍原文等議麻

三年改司天監為欽天監四年詔監官職專司天非特旨

不得陞調又定監官散官監令正儀大夫少監分朔大夫

五官保章正平秩郎五官靈臺十四年改欽天監為正五

品郎司正郎五官挈壺正挈壺郎品設令一人丞一人屬官五官正以下

俱從品級授以文職散官二十二年改合為監正丞為監副三十一年罷回

回欽天監以其麻法隸本監明初又置稽疑司以掌十筮

未幾罷洪武十七年置稽疑司設司令一人正六品左右

丞各一人從六品屬官司筮正九品無定員尋罷謹案自堯命羲和舜察璣衡觀象授時為王政之首務

然上古日官雖立而測驗尙疏觀禮記曾子問所稱朝

聘祭祀已入廟內而不得成禮者日食居其一與雨霑

服失容一例是待其既食而後知非預為推算也春秋

時史官失職置閏無法食或違朔兩紀日南至先天者

二三曰說者謂梓慎禘竈史墨之徒長于禘祥短於推步漢初猶踵行之東漢末迄隋唐漸有改更而交食往往不驗至明代而承用元之授時法者二百七十餘年氣朔漸差獻議者紛紛請改而臺官拘泥舊聞當事憚于改作其時甌羅巴法已入中土徐光啟等講求雖切終未施行

國家法天齊政首定時憲書頒行寓內

聖祖仁皇帝生知天縱達象緯之本原探河洛之妙奧攷定成法勒爲謨典

御製厯象考成律呂正義數理精蘊諸書無不包括會通發千古未發之祕鑰分毫不爽密合天行

皇上復命諸臣續加討論

欽定律呂正義厯象考成後編及天文正義協紀辨方儀象考成諸書博大精深推闡愈密洵足正百代之舊章貽萬世之成憲唐虞以來蓋至今日而範圍莫越矣

